



Kantonalno javno komunalno preduzeće "RAD" d.o.o.

Paromlinska 57, 71000 Sarajevo, Bosna i Hercegovina

Telefon: Centrala 033/658-038; Fax: 033/656-812 ; Eko telefon: 033/660-000

E-mail: jkpradsa@bih.net.ba; Web: www.rad.com.ba; Viber i WhatsApp poruke: 062/220-330

ID broj: 4200316890001, PDV broj: 200316890001, Poreski broj: 0170010500, Šifra djelatnosti: 38.11

Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg.broj 1-1819

Naš broj: 03-01-04/ 3746 /25
Sarajevo, 25.07.2025. godine

Kanton Sarajevo
Skupština Kantona Sarajevo
Mis Irbina broj 1
71000 Sarajevo

Predmet: Odgovor na dopis broj 01-04-39560-16/25, od 15.07.2025. godine

Poštovani,

U vezi Vašeg dopisa broj 01-04-39560-04/25, od 15.07.2025. godine, a na osnovu zastupničke inicijative Elvisa Vrete, dostavljamo Vam sljedeću informaciju.

Upravljanje otpadom na području KS je regulisano Zakonom o komunalnim djelatnostima („Sl. novine KS“ broj 14/16, 43/16, 10/17 - ispr., 19/17, 20/18 i 22/19) i Zakonom o komunalnoj čistoći („Sl. novine KS“, broj 14/16, 43/16, 19/17, 20/18 i 22/19). Kantonalni zakon propisuje da obavljanje komunalnih djelatnosti na polju prikupljanja i odvoza komunalnog otpada iz stambenih i poslovnih objekata i njegovog odlaganja na deponiju vrše komunalna preduzeća, koja su registrovana za obavljanje ove djelatnosti, u slučaju Kantona Sarajevo navedeni poslovi su povjereni Kantonalnom javnom komunalnom preduzeću KJKP "RAD" d.o.o. Sarajevo.

Jedan od ciljeva Federalne strategije zaštite okoliša je reducirati količinu otpada te povećati upotrebu recikliranih materijala. Jedna od predloženih mjera za postizanje tog cilja je uspostava zelenih otoka i reciklažnih dvorišta prilagođenih potrebama koje su definirane u kantonalnim/općinskim planovima za upravljanje otpadom.

Unaprjeđenje sistema za upravljanje komunalnim otpadom zasniva se na razvoju strukture koja se nadovezuje na postojeći sistem sakupljanja i odvoza komunalnog otpada i bazira se na prevenciji te povratu resursa ponovnom upotrebom i reciklažom. Plan infrastrukture za upravljanje otpadom bazira se na: izdvajanju korisnih sirovina iz otpada i minimiziranju količine otpada koji se odlaže. U cilju izdvajanja korisnih sirovina iz otpada, potrebna je nadogradnja postojeće infrastrukture – uspostava većeg broja reciklažnih dvorišta. Formiranje reciklažnih dvorišta treba posmatrati kao polaznu tačku savremenog upravljanja otpadom, a u cilju predselekcije otpada na mjestu stvaranja. Preostali, miješani otpad čije je porijeklo iz domaćinstava i srodno, odvozi se na Regionalni centar za upravljanje otpadom (RCUO) Smiljevići.

Općinski elaborati o lokacijama reciklažnih dvorišta, niša i zelenih otoka za područje devet općina Kantona Sarajevo sa lociranjem u prostorno-planskoj dokumentaciji i investicijskim planom, zasnivaju se na Odluci o donošenju Plana upravljanja otpadom Kantona Sarajevo za period 2015.-2020.godina („Službene novine KS“, broj 29/15). Cilj i zadatak općinskih elaborata je da na osnovu analize postojećeg stanja infrastrukture za prikupljanje otpada i prostornih mogućnosti ponudi moguće lokacije za novu infrastrukturu: zelene otoke i reciklažna dvorišta.

Zbog značaja koordinacije pri izradi općinskih elaborata formirano je Operativno tijelo, sastavljeno od predstavnika Ministarstva prostornog uređenja, građenja i zaštite okoliša, Ministarstva komunalne privrede i infrastrukture, Kantonalne uprave za inspekcijske poslove, općina Kantona Sarajevo, KJKP „Rad“ i Zavoda za planiranje razvoja KS, koje je aktivno učestvovalo u procesu izrade elaborata. Pored stalnih predstavnika Operativnog tijela u pojedinim fazama izrade uključeni su i predstavnici KJKP „Park“, Gradske uprave i Kantonalne javne ustanove za zaštićena prirodna područja.

Prema članu 25 Zakona o komunalnoj čistoći, ("Sl. novine KS", broj 14/16, 43/16, 19/17, 20/18 i 22/19) član 21., Reciklažna dvorišta su mjesta namijenjena za razvrstavanje i privremeno skladištenje posebnih vrsta otpada, pogodnog za reciklažu i opasnog otpada iz domaćinstva.

Za reciklažno dvorište može se reći da služi kao poveznica između građana, ovlaštenih sakupljača i ovlaštenih obrađivača otpada i/ili regionalnog centra upravljanja otpadom. Odvojeno skupljeni otpad iz domaćinstava koji se privremeno skladišti na lokaciji reciklažnog dvorišta može se direktno predavati ovlaštenim skupljačima ili obrađivačima otpada, a može se prevoziti i do regionalnog centra upravljanja otpadom gdje se skladišti do predaje ovlaštenim firmama. Koncept upravljanja otpadom u Federaciji Bosne i Hercegovine uključuje i mogućnost prolaska toka otpada kroz reciklažno dvorište.

Reciklažno dvorište je nadzirani i ograđeni prostor namijenjen razvrstavanju i privremenom skladištenju manjih količina posebnih vrsta otpada, u kojem se otpad skladišti prema vrsti, svojstvu i agregatnom stanju, a sve u skladu sa odredbama Zakona o upravljanju otpadom Federacije Bosne i Hercegovine („Sl. novine FBiH", broj 15/21), Federalnom strategijom upravljanja otpadom (integralni dio Federalne strategije zaštite okoliša 2022.-2032) („Sl. novine FBiH", broj 15/21), Federalnim planom upravljanja otpadom 2012.-2017 („Sl. novine FBiH" br. 33/03, 71/09 i 92/17). i Planom upravljanja otpadom Kantona Sarajevo za period 2015.-2020. („Sl. novine Kantona Sarajevo", broj 29/15).

Prema Strateškom planu KJKP „RAD" d.o.o Sarajevo za upravljanje otpadom u Kantonu Sarajevo 2023.-2030. za period od 2023. do 2027. godine neophodno je uspostaviti dvadeset (20) reciklažnih dvorišta. Jedinica lokalne samouprave koja ima više od 100.000 stanovnika dužna je osigurati funkcionisanje najmanje četiri reciklažna dvorišta i još po jedno na svakih idućih 20.000 stanovnika na svom području. Procjene su izvršene na osnovu količine i strukture otpada koji proizvodi svaki stanovnik Kantona Sarajevo.

Da bi se realizovao plan otvaranja reciklažnih dvorišta, na području Kantona Sarajevo, podrebno je da se donese novi Plan upravljanja otpadom u Kantonu Sarajevo.

Do sada su otvorene četiri reciklažna otpada u četiri Općine, Novi Grad (u krugu RCUO Smiljevići), Novo Sarajevo (u krugu KJKP "RAD"), Ilijaš (u krugu KJKP "RAD") i Trnovo (u krugu KJKP "RAD").

U planu je otvaranje reciklažnih dvorišta u Centru, Vogošći, Ilidži. Sama procedura, od pronalaska lokacija do izdavanja potrebnih dozvola, je u nadležnosti općinskih službi.

S poštovanjem,

V.D. DIREKTOR

Mirsad Jašarević, dipl. kriminalist



Dostaviti:

1. Naslovu
2. a/a